



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1749/18

Vogošća, 10.01.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 10.01.2019. godine donio je

#### **ODLUKU**

**O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IZVEDBENOG PROJEKTA REKONSTRUKCIJE UL. BRAĆE PLANJA I DIJELA ULICE OMLADINSKA-KRAK, SA REKONSTRUKCIJOM I PROŠIRENJEM MOSTA PREKO RIJEKE VOGOŠĆE I REKONSTRUKCIJOM POSTOJEĆIH I IZGRADNJOM NOVIH PARKING POVRŠINA, L=450 m**

#### **Član 1.**

Ponuda ponuđača "Design&QC" d.o.o. Sarajevo, ulica Džemala Bijedića broj 25-D. Sarajevo, odabrana je za pružanje usluge izrade Izvedbenog projekta rekonstrukcije ul. Braće Planja i dijela ulice Omladinska-krak, sa rekonstrukcijom i proširenjem mosta preko rijeke Vogošće i rekonstrukcijom postojećih i izgradnjom novih parking površina, L=450 m, kao prvoplasirana na Rang listi, sa ponuđenom najnižom cijenom tehnički zadovoljavajuće ponude u iznosu od 21.000,00 KM bez uračunatog PDV-a, odnosno 24.570,00 KM sa uračunatim PDV-om.

#### **Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

#### **OBRAZLOŽENJE**

Općinski načelnik je dana 31.10.2018. godine donio Odluku o pokretanju Otvorenog postupka nabavke usluge izrade Izvedbenog projekta rekonstrukcije ul. Braće Planja i dijela ulice Omladinska-krak, sa rekonstrukcijom i proširenjem mosta preko rijeke Vogošće i rekonstrukcijom postojećih i izgradnjom novih parking površina, L=450 m zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 01.11.2018. godine pod brojem: 1353-1-2-129-3-79/18.

Sažetak Obavještenja o nabavci objavljen je u "Službenom glasniku BiH" broj: 79/18 od 09.11.2018. godine

Tendersku dokumentaciju sa Portala javnih nabavki BiH je preuzelo 16 (šesnaest) ponuđača. Krajnji rok za dostavu ponuda bio je 16.11.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 16.11.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-07-14-1749/18 iz oktobra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 8 (osam) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Invest-projekt" d.o.o. Zenica	14.450,00	/	/	16.906,50
2	"Geoput" d.o.o. Banja Luka	28.900,00	/	/	33.813,00
3	"Design&QC" d.o.o. Sarajevo	21.000,00	/	/	24.570,00
4	"Saraj inženjering" d.o.o. Sarajevo	18.727,35	/	/	21.911,00
5	Institut za građevinarstvo "IG" d.o.o. Banja Luka	27.600,00	/	/	32.292,00
6	"Ink constructor" d.o.o. Banja Luka	17.400,00	/	/	20.358,00
7	"Projekt" a.d. Banja Luka	23.750,00	/	/	27.787,50
8	"Arting BH" d.o.o. Sarajevo	9.339,00	/	/	10.926,63

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Invest-projekt" d.o.o. Zenica ne ispunjava formalno-pravne uslove tražene Tenderskom dokumentacijom i to:
  - Tačkom 7.4.1. pod b) TD su tražene obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga kako slijedi:
    - 1 (jedno) lice VSS VII stepen-dipl. ing. saobraćaja-smjer cestovni/drumski saobraćaj, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) saobraćajne struke-smjer cestovni/drumski saobraćaj, sa položenim stručnim ispitom i 5 godina radnog iskustva.

Tačkom 7.4.2. pod b) TD su kao dokazi zahtjevani Diploma o završenoj VSS i Uvjerenje o položenom stručnom ispitu za jednog inženjera saobraćaja-smjer cestovni/drumski saobraćaj (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) saobraćajne struke-smjer cestovni/drumski saobraćaj i dokaz o radnom iskustvu i radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Invest-projekt" d.o.o. Zenica je u svojoj Ponudi (strana 75-79 Ponude) kao dokaz za traženo dostavio ovjerenu kopiju Diplome za Drugović Faruka, diplomiranog inženjera saobraćaja i komunikacija kao i ovjerenu kopiju Uvjerenja o položenom stručnom ispitu. Obzirom da je TD kao jedan od uslova bio postavljen i taj da dipl. ing. saobraćaja-smjer cestovni/drumski saobraćaj ili njegov ekvivalent po Bolonjskom sistemu studiranja ima i 5 godina radnog iskustva, Komisija za javne nabavke konstatuje da postavljeni uslov ponuđač nije ispunio, iz razloga što ukupni radni staž prikazan na dostavljenim

dokumentima u Ponudi ponuđača (strana 79-81 Ponude) iznosi 4,5 godina i manji je od zahtjeva koji je ugovorni organ postavio u TD. Također, ponuđač je propustio da ovjeri dostavljene kopije dokumenata na strani 79-81 Ponude (Uvjerenja o dužini radnog staža izdata od strane "Pronasa" d.o.o. Sarajevo i "Asfaltgradnja" d.o.o. Visoko), te je i na taj način odstupio od zahtjeva postavljenog u TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**II. Ponuda ponuđača "Saraj inženjering" d.o.o. Sarajevo ne ispunjava formalno-pravne uslove tražene Tenderskom dokumentacijom i to:**

- Tačkom 7.4.1. pod b) TD su tražene obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga kako slijedi:
  - 1 (jedno) lice VSS VII stepen-dipl ing. saobraćaja-smjer cestovni/drumski saobraćaj, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) saobraćajne struke-smjer cestovni/drumski saobraćaj, sa položenim stručnim ispitom i 5 godina radnog iskustva.

Tačkom 7.4.2. pod b) TD su kao dokazi zahtjevani Diploma o završenoj VSS i Uvjerenje o položenom stručnom ispitu za jednog inženjera saobraćaja-smjer cestovni/drumski saobraćaj (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) saobraćajne struke-smjer cestovni/drumski saobraćaj i dokaz o radnom iskustvu i radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Saraj inženjering" d.o.o. Sarajevo je u svojoj Ponudi (strana 59-60. Ponude) dostavio ovjerenu kopiju Diplome o stečenoj stručnoj spremi sedmog stepena, iz koje se može vidjeti da je Salketić Smajo završio Fakultet prometnih znanosti u Zagrebu, program studija željezničkog usmjerenja.

Komisija za javne nabavke cijeni da dostavljena Diploma nije u skladu sa postavljenim zahtjevima ugovornog organa iz tačke 7.4.1. pod b) TD i da ista ne ispunjava uslove postavljene u TD, a kojim je jasno zahtjevano da ponuđač na raspolaganju ima 1 (jedno) lice VSS VII stepen-dipl ing. saobraćaja-smjer cestovni/drumski saobraćaj, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) saobraćajne struke-smjer cestovni/drumski saobraćaj, sa položenim stručnim ispitom i 5 godina radnog iskustva.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**III. Ponuda ponuđača "Ink constructor" d.o.o. Banja Luka ne ispunjava formalno-pravne uslove tražene Tenderskom dokumentacijom i to:**

- Tačkom 7.3.1.TD, a u skladu sa članom 47. Zakona propisano je da će ponuda biti odbačena ako ponuđač ne ispuni sljedeće minimalne uslove:
  - da transakcijski račun ponuđača nije bio blokiran u zadnjih 90 (devedeset) dana.

U svrhu dokazivanja ekonomske i finansijske sposobnosti tačkom 7.3.2.TD je od ponuđača zahtjevano dostavljanje izjave ovjerene od strane ovlaštenog lica ponuđača, u skladu sa formom koja je prilog ovom Otvorenom postupku nabavke-Aneks 5. TD, a koji su u skladu sa članom 47. Zakona.

Ponuđač je također bio dužan dostaviti sljedeće pismene dokaze:

- Izvještaj Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja Obavještenja o javnoj nabavci,
- Potvrdu minimalno jedne poslovne banke kod koje ponuđač ima otvoren transakcijski račun da isti nije bio blokirani u zadnjih 90 (devedeset) dana-računajući od dana objavljivanja Obavještenja o javnoj nabavci.

Ponuđač "Ink konstruktor" d.o.o. Banja Luka je u svojoj Ponudi (strana 13-14. Ponude) dostavio Izvještaj o računima poslovnog subjekta, izdat od strane Centralne banke BiH dana 17.10.2018. godine kao i Uvjerenje o likvidnosti izdato od strane "NLB banke" a.d. Banja Luka od 15.10.2018. godine.

Obavještenje o predmetnoj nabavci broj: 1353-1-2-129-3-79/18, objavljeno je na Portalu javnih nabavki dana 01.11.2018. godine.

Član 57. stav 1. ZJN propisuje da su se ponuđači u postupcima javnih nabavki dužni pridržavati zahtjeva i uslova iz tenderske dokumentacije.

Imajući u vidu navedeno, Komisija za javne nabavke konstatuje da dostavljeni Izvještaj o računima poslovnog subjekta, izdat od strane Centralne banke BiH dana 17.10.2018. godine kao i Uvjerenje o likvidnosti izdato od strane "NLB banke" a.d. Banja Luka od 15.10.2018. godine u ponudi ponuđača "Ink konstruktor" d.o.o. Banja Luka nisu dostavljeni u skladu sa zahtjevom ugovornog organa iz tačke 7.3.2.TD, te je nesporna činjenica da predmetni dokumenti koje je dostavio ponuđač ne obuhvataju period od dana objavljivanja Obavještenja o nabavci (01.11.2018. godine) zahtjevan TD, nego od dana izdavanja predmetnih dokumenata (15.10.2018. godine i 17.10.2018. godine).

- Tačkom 7.4.1. pod b) TD su tražene obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga kako slijedi:
  - 1 (jedno) lice VSS VII stepen-dipl ing. građevinarstva-smjer konstrukcije (konstruktivni), odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) građevinske struke-smjer konstrukcije (konstruktivni), sa položenim stručnim ispitom i 5 godina radnog iskustva.

Tačkom 7.4.2. pod b) TD su kao dokazi zahtjevani Diploma o završenoj VSS i Uvjerenje o položenom stručnom ispitu za jednog inženjera građevinske struke-smjer konstrukcije-konstruktivni, (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) građevinske struke-smjer konstrukcije-konstruktivni i dokaz o radnom iskustvu i radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Ink konstruktor" d.o.o. Banja Luka je u svojoj Ponudi (strana 21. Ponude) dostavio ovjerenu kopiju Diplome o stečenom visokom obrazovanju, iz koje se može vidjeti da je Boloban Milan završio studij za sticanje visokog obrazovanja na Arhitektonsko-Građevinskom fakultetu u Banja Luci, odsjek građevinski, smjer opšti.

Komisija za javne nabavke cijeni da dostavljena Diploma nije u skladu sa postavljenim zahtjevima ugovornog organa iz tačke 7.4.1. pod b) TD i da ista ne ispunjava uslove postavljene u TD, a kojim je jasno zahtjevano da ponuđač na raspolaganju ima 1 (jedno) lice VSS VII stepen-dipl ing. građevinarstva-smjer konstrukcije (konstruktivni), odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) građevinske struke-smjer konstrukcije (konstruktivni), sa položenim stručnim ispitom i 5 godina radnog iskustva.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**IV. Ponuda ponuđača "Projekt" a.d. Banja Luka ne ispunjava formalno-pravne uslove tražene Tenderskom dokumentacijom i to:**

- Tačkom 7.3.1.TD, a u skladu sa članom 47. Zakona propisano je da će ponuda biti odbačena ako ponuđač ne ispunji sljedeće minimalne uslove:
  - da transakcijski račun ponuđača nije bio blokiran u zadnjih 90 (devedeset) dana.

U svrhu dokazivanja ekonomske i finansijske sposobnosti tačkom 7.3.2.TD je od ponuđača zahtjevano dostavljanje izjave ovjerene od strane ovlaštenog lica ponuđača, u skladu sa formom koja je prilog ovom Otvorenom postupku nabavke-Aneks 5. TD, a koji su u skladu sa članom 47. Zakona.

Ponuđač je također bio dužan dostaviti sljedeće pismene dokaze:

- Izvještaj Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja Obavještenja o javnoj nabavci,
- Potvrdu minimalno jedne poslovne banke kod koje ponuđač ima otvoren transakcijski račun da isti nije bio blokiran u zadnjih 90 (devedeset) dana-računajući od dana objavljivanja Obavještenja o javnoj nabavci.

Ponuđač "Projekt" a.d. Banja Luka je u svojoj Ponudi (strana 14-16. Ponude) dostavio izvještaj o računima poslovnog subjekta, izdat od strane Centralne banke BiH dana 18.09.2018. godine kao i Uvjerenje o likvidnosti izdato od strane "NLB banke" a.d. Banja Luka od 18.09.2018. godine.

Obavještenje o predmetnoj nabavci broj: 1353-1-2-129-3-79/18, objavljeno je na Portalu javnih nabavki dana 01.11.2018. godine.

Član 57. stav 1. ZJN propisuje da su se ponuđači u postupcima javnih nabavki dužni pridržavati zahtjeva i uslova iz tenderske dokumentacije.

Imajući u vidu navedeno, Komisija za javne nabavke konstatuje da dostavljeni Izvještaj o računima poslovnog subjekta, izdat od strane Centralne banke BiH dana 18.09.2018. godine kao i Uvjerenje o likvidnosti izdato od strane "NLB banke" a.d. Banja Luka od 18.09.2018. godine u ponudi ponuđača "Projekt" a.d. Banja Luka nisu dostavljeni u skladu sa zahtjevom ugovornog organa iz tačke 7.3.2.TD, te je nesporna činjenica da predmetni dokumenti koje je dostavio ponuđač ne obuhvataju period od dana objavljivanja Obavještenja o nabavci (01.11.2018. godine) zahtjevan TD, nego od dana izdavanja predmetnih dokumenata (18.09.2018. godine).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**V. Ponuda ponuđača "Arting BH" d.o.o. Sarajevo ne ispunjava formalno-pravne uslove tražene Tenderskom dokumentacijom i to:**

- Tačkom 8.2.1.TD a u skladu sa članom 58. Zakona, propisano je da Ponuda mora da sadrži sljedeće elemente i to između ostalih:
  - Obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača,
  - Nacrt Ugovora popunjen, potpisan i ovjeren pečatom ponuđača-Aneks 8.

Ponuđač "Arting BH" d.o.o. Sarajevo je u svojoj Ponudi (strana 3. Ponude) dostavio popunjen Obrazac za cijenu ponude-Aneks 2, a koji se odnosi na Otvoreni postupak pružanja usluge izrade Izvedbenog projekta rekonstrukcije ul. Samira Gradišića u Vogošći sa rekonstrukcijom postojećih i izgradnjom novih parking površina, L=550 m.

Također, na strani 49-52 Ponude, Ponuđač "Arting BH" d.o.o. Sarajevo je dostavio Nacrt Ugovora, koji je u skladu sa zahtjevom iz TD uredno popunjen, potpisan i ovjeren pečatom ponuđača, međutim isti se odnosi na drugi postupak javne nabavke koji je ranije provodio ovaj ugovorni organ.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Geoput" d.o.o. Banja Luka,
- "Design&QC" d.o.o. Sarajevo i
- Institut za građevinarstvo "IG" d.o.o. Banja Luka

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je zatim konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 10 % za ugovore koji se dodjeljuju u 2018. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Nakon što je utvrdila da je ukupna cijena ponude ponuđača "Design&QC" d.o.o. Sarajevo u iznosu od 21.000,00 KM bez PDV-a neprirodno niska, odnosno da je za više od 20% niža od cijene drugorangirane prihvatljive ponude (27.600,00 KM) ponuđača Institut za građevinarstvo "IG" d.o.o. Banja Luka, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 07-14-1749/18 od 09.01.2019. godine zatražila pojašnjenje neprirodno niske cijene ponude ponuđača "Design&QC" d.o.o. Sarajevo.

Ponuđač "Design&QC" d.o.o. Sarajevo je svojim aktom broj: 10-579-18/19 od 10.01.2019. godine dostavio detaljno obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno obrazloženje strukture ponuđene cijene odnosno razloge za ponuđenu cijenu.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Izvedbenog projekta rekonstrukcije ul. Braće Planja i dijela ulice Omladinska-krak, sa rekonstrukcijom i proširenjem mosta preko rijeke Vogošće i rekonstrukcijom postojećih i izgradnjom novih parking površina, L=450 m kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Design&QC" d.o.o. Sarajevo	21.000,00	24.570,00
2	Institut za građevinarstvo "IG" d.o.o. Banja Luka	27.600,00	32.292,00
3	"Geoput" d.o.o. Banja Luka	28.900,00	33.813,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Design&QC" d.o.o. Sarajevo, za pružanje usluge izrade Izvedbenog projekta rekonstrukcije ul. Braće Planja i dijela ulice Omladinska-krak, sa rekonstrukcijom i proširenjem mosta preko rijeke Vogošće i rekonstrukcijom postojećih i izgradnjom novih parking površina, L=450 m, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 21.000,00 KM bez uračunatog PDV-a, odnosno 24.570,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

- |  |             |
|--|-------------|
| 1. "Invest-projekt" d.o.o. Zenica                    | 032/242-802 |
| 2. "Geoput" d.o.o. Banja Luka                        | 051/461-922 |
| 3. "Design&QC" d.o.o. Sarajevo                       | 033/863-702 |
| 4. "Saraj inženjering" d.o.o. Sarajevo               | 033/592-450 |
| 5. Institut za građevinarstvo "IG" d.o.o. Banja Luka | 051/348-372 |
| 6. "Ink constructor" d.o.o. Banja Luka               | 051/435-841 |
| 7. "Projekt" a.d. Banja Luka                         | 051/211-700 |
| 8. "Arting BH" d.o.o. Sarajevo                       | 033/847-037 |
| 9. Nadležnoj Službi                                  |             |
| 10. U dosije   |             |
| 11. a/a  |             |

OPĆINSKI NAČELNIK

  
Edin Smajić